



---

Број/Број: 01, 02-50-14-1042-6,2/12  
Сарајево/Sarajevo, 6.12.2012.

**PREDSTAVNIČKOM DOMU  
DOMU NARODA  
PARLAMENTARNE SKUPŠTINE BiH**

Na osnovu člana 31. Poslovnika Predstavničkog doma Parlamentarne skupštine BiH („Službeni glasnik BiH“, br. 33/06, 41/06, 81/06, 91/06 i 91/07), člana 35. Poslovnika Doma naroda Parlamentarne skupštine BiH („Službeni glasnik BiH“, br. 33/06, 41/06 i 91/07) i člana 43. Zakona o zaštiti ličnih podataka („Službeni glasnik BiH“, br. 49/06 i 76/11), Privremena zajednička komisija oba doma Parlamentarne skupštine Bosne i Hercegovine za provođenje procedure za imenovanje direktora i zamjenika direktora Agencije za zaštitu ličnih podataka u Bosni i Hercegovini na 6. sjednici, održanoj 6.12.2012., usvojila je, te Predstavničkom domu i Domu naroda Parlamentarne skupštine BiH podnosi sljedeći

**I Z V J E Š T A J**

**o utvrđivanju prijedloga rang-liste kandidata za imenovanje direktora i rang-liste za zamjenika direktora Agencije za zaštitu ličnih podataka u Bosni i Hercegovini**

**I. Imenovanje članova Privremene zajedničke komisije oba doma Parlamentarne skupštine Bosne i Hercegovine za provođenje procedure za imenovanje direktora i zamjenika direktora Agencije za zaštitu ličnih podataka u Bosni i Hercegovini**

Parlamentarna skupština BiH je, na 31. sjednici Predstavničkog doma, održanoj 5. jula 2012., i na 18. sjednici Doma naroda, održanoj 22. juna i 19. jula 2012., imenovala članove Privremene zajedničke komisije oba doma Parlamentarne skupštine BiH za provođenje procedure za imenovanje direktora i zamjenika direktora Agencije za zaštitu ličnih podataka u BiH (u daljnjem tekstu Komisija), koju čine:

**Darko Babalj, Anto Domazet i Nermin Purić iz Predstavničkog doma, te Halid Genjac, Borjana Krišto i Dragutin Rodić iz Doma naroda Parlamentarne skupštine BiH.**

**II. Zadaci i hronologija rada Komisije**

U skladu s članom 43. Zakona o zaštiti ličnih podataka, te čl. 3., 5., 7., 8., 10., 11. i 12. Zakona o ministarskim imenovanjima, imenovanjima Vijeća ministara i drugim imenovanjima Bosne i

Hercegovine („Službeni glasnik BiH“, broj 37/03), zadatak Komisije bio je da sačini potreban akt o svom radu, te provede daljnju proceduru izbora i predlaganja imenovanja u skladu s navedenim zakonskim propisima i aktom o svom radu.

Kako bi realizirala svoje zadatke, Komisija je održala šest sjednica.

Konstituirajuća sjednica održana je 6. septembra 2012. Na ovoj sjednici članovi Komisije jednoglasno su za predsjedavajućeg izabrali Darka Babalja, za prvu zamjenicu predsjedavajućeg Borjanu Krišto, te za drugog zamjenika Halida Genjca.

S ciljem javnosti rada, na internetskoj stranici Parlamentarne skupštine BiH objavljeni su određeni akti, kao što je tekst javnog konkursa i najave održavanja sjednica.

Postupajući u skladu sa svojim nadležnostima, Komisija je na 2. sjednici, održanoj 6. septembra 2012., usvojila Poslovnik o radu. Poslovnikom o radu propisani su: način rada, raspisivanje i uslovi javnog konkursa, dokumenti koji se prilažu uz prijavu, rad po završetku javnog konkursa, intervju - javno saslušanje kandidata, kriterij bodovanja, postupak bodovanja i utvrđivanje prijedloga rang-liste kandidata za direktora i rang-liste za zamjenika direktora i druga pitanja.

Na osnovu zakonskih odredbi, te odredbi čl. od 7. do 10. Poslovnika, Komisija je na 3. sjednici, održanoj 26. septembra 2012., pripremila i donijela Odluku o objavljivanju javnog konkursa za provođenje procedure za imenovanje direktora i zamjenika direktora Agencije za zaštitu ličnih podataka u BiH. Uslove javnog konkursa Komisija je utvrdila na osnovu navedenih zakonskih i odredbi Poslovnika o radu Komisije.

Javni konkurs objavljen je u:

„Oslobođenju“, „Pressu RS“ i „Dnevnom listu“ 9. oktobra 2012., u „Službenom glasniku Brčko Distrikta BiH“ 5. oktobra 2012., a u „Službenom glasniku BiH“, broj 80/12, 9. oktobra 2012., te na internetskoj stranici Parlamentarne skupštine BiH.

Rok za podnošenje prijave na javni konkurs bio je (zaključno) 24. oktobar 2012.

### **III. Prijavljeni kandidati, utvrđivanje ispravnosti dostavljene dokumentacije i intervju**

U skladu s članom 11. Poslovnika o radu, sljedeći zadatak Komisije sastojao se u provjeri formalno-pravne valjanosti, blagovremenosti i kompletnosti prijave kandidata s dostavljenom dokumentacijom.

U ovoj fazi rada Komisija je konstatirala da se na javni konkurs prijavilo pet kandidata, i to:

1. Aljoša Čampara,
2. Munib Isaković,
3. Petar Kovačević,
4. Muhamed Mujakić,
5. Vlado Rogić.

Komisija je na 4. sjednici, održanoj 7.11.2012., pojedinačno i detaljno razmotrila svaku prijavu kandidata i dokumente dostavljene uz nju. Nakon uvida u dokumentaciju svakog prijavljenog kandidata, Komisija je utvrdila da svi prijavljeni kandidati ispunjavaju uslove predviđene javnim konkursom, kao i da je svih pet kandidata konkuriralo na obje pozicije, i direktora i zamjenika direktora Agencije za zaštitu ličnih podataka u BiH.

U skladu s članom 12. Poslovnika o radu Komisije, svih pet kandidata pozvano je na intervju. O datumu, vremenu i mjestu održavanja intervjua svi kandidati pismeno su obaviješteni.

Komisija je na 5. sjednici, održanoj 3.12.2012., obavila intervju - javno saslušanje kandidata.

Intervjuu su se odazvala četiri prijavljena kandidata na obje pozicije, direktora i zamjenika direktora Agencije za zaštitu ličnih podataka u BiH. Kandidat Aljoša Čampara nije se odazvao intervjuu.

Komisija je, u skladu s članom 13. Poslovnika o radu, sačinila obrazac - tabelu za ocjenjivanje svakog kandidata za obje pozicije, direktora i zamjenika direktora Agencije za zaštitu ličnih podataka u BiH, koju popunjavaju prisutni članovi Komisije. Broj bodova koje je dobio svaki kandidat količnik je sabranih ocjena koje je dao svaki intervjuu prisutni član Komisije podijeljen s brojem intervjuu prisutnih članova Komisije.

#### **IV. Utvrđivanje prijedloga rang-liste kandidata**

U skladu s članom 14. Poslovnika o radu Komisije, njen sljedeći zadatak bio je da, nakon provedene procedure, utvrdi prijedlog rang-liste kandidata za direktora i rang-liste kandidata za zamjenika direktora Agencije za zaštitu ličnih podataka u BiH, prema mišljenju Komisije najuspješnijih kandidata za poziciju direktora i poziciju zamjenika direktora Agencije za zaštitu ličnih podataka u BiH. Komisija je pri tom bila obavezna ispoštovati uslove utvrđene Zakonom – zastupljenost konstitutivnih naroda. Također, Komisija se obavezala da će, poštujući zakonske odredbe Poslovnika o radu, u svom izvještaju domovima Parlamentarne skupštine BiH dostaviti prijedloge rang-liste za direktora i rang-liste za zamjenika direktora Agencije za zaštitu ličnih podataka u BiH, te da će navesti imena i bodove za sve kandidate s kojima je obavljen intervju.

**IV.1.** Kako se Komisija, u skladu s članom 14. Poslovnika o radu, obavezala da će predložiti domovima Parlamentarne skupštine BiH rang-listu kandidata za direktora i rang-listu za zamjenika direktora Agencije za zaštitu ličnih podataka u BiH, to je u nastavku utvrdila prijedlog navedenih rang-listi:

**IV.2.** Nakon provedenog intervjua i bodovanja kandidata, Komisija je utvrdila sljedeće rang-liste svih kandidata za pozicije direktora i zamjenika direktora Agencije za zaštitu ličnih podataka u BiH.

#### **PRIJEDLOG RANG-LISTE KANDIDATA ZA IMENOVANJE DIREKTORA AGENCIJE ZA ZAŠTITU LIČNIH PODATAKA U BiH**

<b>Redni broj</b>	<b>Kandidat za direktora</b>	<b>Pripadnost narodu</b>	<b>Broj bodova</b>
<b>1.</b>	<b>PETAR KOVAČEVIĆ</b>	<b>S</b>	<b>98</b>
<b>2.</b>	<b>VLADO ROGIĆ</b>	<b>H</b>	<b>85</b>

<b>3.</b>	<b>MUNIB ISAKOVIĆ</b>	<b>B</b>	<b>66</b>
<b>4.</b>	<b>MUHAMED MUJAKIĆ</b>	<b>B</b>	<b>65</b>
<b>5.</b>	<b>ALJOŠA ČAMPARA</b>	<b>B</b>	<b>ODUSTAO</b>

**PRIJEDLOG RANG-LISTE KANDIDATA ZA IMENOVANJE ZAMJENIKA DIREKTORA  
AGENCIJE ZA ZAŠTITU LIČNIH PODATAKA U BiH**

<b>Kandidat za zamjenika direktora</b>	<b>Pripadnost narodu</b>	<b>Broj bodova</b>
<b>VLADO ROGIĆ</b>	<b>H</b>	<b>92</b>
<b>PETAR KOVAČEVIĆ</b>	<b>S</b>	<b>91</b>
<b>MUHAMED MUJAKIĆ</b>	<b>B</b>	<b>68</b>
<b>MUNIB ISAKOVIĆ</b>	<b>B</b>	<b>65</b>
<b>ALJOŠA ČAMPARA</b>	<b>B</b>	<b>ODUSTAO</b>

**V. Dostavljanje prijedloga rang-liste kandidata za direktora i zamjenika direktora Agencije za zaštitu ličnih podataka u parlamentarnu proceduru**

Komisija je na 6. sjednici, održanoj 6.12.2012., s četiri glasa za i jednim protiv usvojila prijedlog rang-liste kandidata za direktora i rang-liste za zamjenika direktora Agencije za zaštitu ličnih podataka u BiH.

U skladu sa zakonskim i poslovničkim odredbama, Komisija dostavlja utvrđeni prijedlog rang-listi kandidata za direktora i kandidata za zamjenika direktora Agencije za zaštitu ličnih podataka u BiH Predstavničkom domu i Domu naroda Parlamentarne skupštine BiH na daljnji postupak.

Za izvjestioce o radu i o izvještaju Komisije u domovima Parlamentarne skupštine BiH određeni su:

- iz Predstavničkog doma – Darko Babalj, predsjedavajući Komisije,
- iz Doma naroda – Borjana Krišto, prva zamjenica predsjedavajućeg Komisije.

Predsjedavajući  
Privremene zajedničke komisije  
Darko Babalj

Dostaviti:

- Kolegiju Predstavničkog doma
- Kolegiju Doma naroda
- a/a

Prilog:

- Prijedlog rang-liste za direktora i rang-liste za zamjenika direktora Agencije za zaštitu ličnih podataka u BiH
- Biografije kandidata za direktora i zamjenika direktora Agencije za zaštitu ličnih podataka u BiH

### **PRIJEDLOG**

#### **RANG-LISTE KANDIDATA ZA IMENOVANJE DIREKTORA AGENCIJE ZA ZAŠTITU LIČNIH PODATAKA U BiH**

<b>Redni broj</b>	<b>Kandidat za direktora</b>	<b>Pripadnost narodu</b>	<b>Broj bodova</b>
<b>1.</b>	<b>PETAR KOVAČEVIĆ</b>	<b>S</b>	<b>98</b>

<b>2.</b>	<b>VLADO ROGIĆ</b>	<b>H</b>	<b>85</b>
<b>3.</b>	<b>MUNIB ISAKOVIĆ</b>	<b>B</b>	<b>66</b>
<b>4.</b>	<b>MUHAMED MUJAKIĆ</b>	<b>B</b>	<b>65</b>
<b>5.</b>	<b>ALJOŠA ČAMPARA</b>	<b>B</b>	<b>ODUSTAO</b>

**PRIJEDLOG**

**RANG-LISTE KANDIDATA ZA IMENOVANJE ZAMJENIKA DIREKTORA  
AGENCIJE ZA ZAŠTITU LIČNIH PODATAKA U BiH**

<b>Kandidat za zamjenika direktora</b>	<b>Pripadnost narodu</b>	<b>Broj bodova</b>
<b>VLADO ROGIĆ</b>	<b>H</b>	<b>92</b>
<b>PETAR KOVAČEVIĆ</b>	<b>S</b>	<b>91</b>
<b>MUHAMED MUJAKIĆ</b>	<b>B</b>	<b>68</b>
<b>MUNIB ISAKOVIĆ</b>	<b>B</b>	<b>65</b>
<b>ALJOŠA ČAMPARA</b>	<b>B</b>	<b>ODUSTAO</b>

Predsjedavajući

Privremene zajedničke komisije

**Darko Babalj**